

El Xéneru de los sustantivos nela llingua llionesa

El XÉNERU yé un morfema que se manifiesta cuna concordanza ente'l sustantivu, l'artículu que ye precede, l'axetivu que ye califica ou outros elementos relacionaos cun eillos.

Nela llingua llionesa'l xéneru de los sustantivos pueden sere masculín ou femenín.

Cavilios masculinos nelos sustantivos llioneses.

-u	El poyu
-án	El faisán
-ín	El porcuspín
-ás	El cabás
-az	El rapaz

Cavilias femeninas nelos sustantivos llioneses.

-a	Casa
----	------

Dalgunas esceiciones: El cura, el día...

Cavilios comunes al masculín y femenín de los sustantivos llioneses.

-e	El cume
	La fame
Consonante	El panal
	La canal

En dalgunos casos el femenín fórmase cunos sufixos: **–sa** (Conde-Condesa), **-esa** (Salamanqués-Salamanquesa), **-na** (Rei-Reina), **-ina** (Gallu-Gallina).

En dalgunos sustantivos, el femenín yé desemeiante nel sou raigame al masculín: pai-mai, caballu-egua...

Sustantivos de xéneru invariable. Son aqueles que nun varían según el sou xéneru. Ex.: L'estudiandu-La estudiandu, El guitarrista-La guitarrista.

Sustantivos de xéneru variable. Son aqueles que presentan variancia según seyan masculinos ou femeninos en cuentas al sesu, tamannu ... Ex.: Sinnor-Sinnora (sesu), Ventanu-Ventana (tamannu)

El xéneru y las suas variancias nel sinificáu de los sustantivos de la llingua llionesa.

SINIFICÁU: Yé'l conceuto o ideya que se representa por meyu de las pallabras.

SINIFICANTE: Representa de xeitu material un conceutu ou ideya pur meyu de pallabras.

- **El xéneru gramatical comu desemeiador de sexu.**

El xéneru desemeya'l sexu variando'l caviliu del sinificante:
Sinnor-Sinnora, Rapaz-Rapaza...

Esisten casos, nel reinu vexetal, que cuando se dan en
desemeyantes plantas d'una miesma especie, desemeyantes
sexos, éstos represéntanse cun desemeyante sinificante: Xardón
pal masculín y Acebu pal femenín.

- **El xéneru gramatical desemeyador de tamannu ou forma.**

Cuandu un mismu sustantivu puede presentarse comu masculín
ou femenín nel sou sinificante, la llingua llionesa utiliza'l femenín
pa la forma más grande ou más ancha y'l masculín pal sinificáu
contrariu. Cuchiellu-Cuchiella (cuchiellu de fueya más ancha),
Ventanu-Ventana (más grande ou ancha), etc.

N'outras ocasiones, la llingua llionesa puede llegar a utilizare la
forma masculina cun valir desfavorable, d'arruchis ou de minor
entidá frente a la femenina: Truitu (truita de tamanno
minor)-Truita (Truita adulta).

- **El xéneru gramatical comu referencia endevidual o xenérica.**

En dalgunos casos podemos alcuentranos cun un sustantivu que
nela sua forma masculina refiere a su conceutu endevidual ou, ne
cámbeu, nela sua forma femenina describe'l conceutu xenéricu
ou universal: Madeiru-Madeira.

- **La varianza fiticia de xéneru.**

Esisten sustantivos que nun guardan relación dala de sinificáu
ente eillos peru cuyu sinificante paez rispóndere a las formas

masculina y femenina: Cuetu (orografía)-Cueta (parte opuesta del filo d'una herramienta).

- **El xéneru de los sustantivos qu'espresan voces de prersonas ou animales.**

Pur regla xeneral la llingua llionesa utiliza'l femenín pa las voces nun articuladas de los animales y pur extensión de las prersonas. Ex.: Una lladrida, una bufida.

- **El xéneru de los árboles frutales.**

Nela llingua llionesa los árboles frutales xeneralmente finan cul sufixu /al/ y són femeninos. Ex.. La Manzanal, La Pescal, La Conxal...

Sustantivos de la llingua llionesa cun xéneru desemeiante al castellán.

Estos són dalgunos exemplos:

Llionés	Castellán
Alambre, L' (la)	Alambre, El
Alderique, L' (la)	Debate, El
Arroz, L' (la)	Arroz, El
Ayalga, L' (la)	Tesoro, El
Azaite, L' (la)	Aceite, El
Baldaga, la Andorga, L' (la)	Abdomen, el
Bimbres, La Blima, La Brimbia, la	Mimbres, El

Cal, El	Cal, La
Calame, La	Calambre, El
Calore, La	Calor, El
Canal, La	Canal, El
Connocencia, La	Conocimiento, El
Conxu, El	Nuez, La
Couz, El	Coz, La
Cubil, La	Cubil, El
Cume, El	Cumbre, La
Deda, La	Dedo del pie, El
Dentame, El	Dentadura, La
Fin, La	Fin, el
Gripe, El	Gripe, La
Guelgu, El	Holgura, La
Llabor, El	Labor, La
Lleite, El	Leche, La
Llume, El	Lumbre, La
Mapa, La	Mapa, El
Miel, El	Miel, La
Muria, La	Muro, El
Nnacencia, La	Nacimiento, El
Nadal, El	Navidad, La
Pantasma, La	Fantasma, El
Problema, La	Problema, El
Puente, La	Puente, El
Pus, La	Pus, El
Raigannu, El	Raiz, La
Res, El	Res, La
Reuma, La	Reuma, El
Sal, El	Sal, La

Salitre, La	Salitre, El
Sangre, El	Sangre, La
Sinificancia, La	Significado, El
Sofitu, El	Ayuda, La
Subiáu, El	Zarzamora, La
Tema, La	Tema, El
Tos, El	Tos, La
Ubre, L'	Ubre, La
Urz, La	Brezo, El
Utra, La	Buitre, El
Vezu, El	Costumbre, La
Vinagre, La	Vinagre, El
Yel, El	Hiel, La
Zucre, La	Azúcar, El